


ሓምድ እድራሰ ዓዋቱ

10



ኬትባይ፡ ሀይለስላሴ ወልዱ
መተርጅማይት፡ ዓሸ ዑስማን

ወዲቅ ጣጣዮት ደውደው

ሰላብ ሕያይ ክም በዝሐ፡ ሕኩመት ፈርሀት በይአተ። እብሊ ህዩ፡ እንግሊዝ እግል ትትሐረክ አንበተት። አወላይ ሀደፈ ህዩ ሓምድ ቱ። ምን በዲሩ ምን ደውደው ሰላሕ ሰበት ነስኦ ሕኩመት ትነግንግ እቱ ዐለት። ደውደውም ኖሱ ኢቀስነ እቡ። አምዕል ሐቴ ሐቆለ ነድ አብያት ደበሮ፡ አሮት ሻውሽ ለመርሐም 15 ዐስከራ፡ ምን እሎም ለ10 ሱዳንዩን ለተርፈው ህዩ ዮሰፍ ደምባይ ለልትበሀል ወድ ዐድ ለብእቶም እግል ታዮኖት ወስለለ ምን አንቶሬ ትበገሰው። ለመርሐም ዐለ ሻውሽ ሻዋር ዐለ። ዲበ አካናት ለለኦፈርህ ክም በጽሐው በሰር ባሰረ። ሰልፍ ለጽዋር ወሴፋ ለራፍዐት እንሰ ከም ተሐልፍ ወደዮ። ምስለ ህዩ ሱብኦ ልባሰ ሽዑብ ለለብሰው ዐሳክሩ፡ እሎም እንዴ ገይሶ ዐለው ዲበ ከረ ሓምድ ለዐለው እቱ ድዋራት ብያኩንዲ ዲብ አፍኩርባዬ ከም በጽሐው፡ ሻውሽ ለሽዑብ እንዴ ፈንተ ዲብ አሮት ዕዛል ከም ልዓርፎ ወለዐሳክር እንዴ ትፈንጠረው ለደዋይሕ ከም ራቅቦ ወደ።

ኩሉ ለሐረካት ምን ከረ ሓምድ ሕሶቦ የዐለ። ምን ረዩም ሰብደሐን መሰሎ ዐለው ከኢትዮጵያም ዲኢኮን ልርእዎም ዐለው። ሓምድ ህዩ ጊሰዎም ቡን ቦም ምን ገብእ ትሰክሎም” ቤለ። ወለፍ ለቦም ልግብኦ ወለአለቦም ሰቦ ለገብኦ ጀምቦቱ እንዴ ኢፈርሆ፣ ጌሰዎም። ዲቦም ክም በጽሐው ላኪን ለኢሰአው እብ ማን ልግባእ ወገለብ ለክፍ ገብኦ። ሀርበው፣ እብ ድግንጋጽ ለእለ ከይዶ እንዴ ኢደሉ ገጾም ሐር ዲብ ጀምቦቶም ሰዐው። ሰከይ አክል ሸፍተ ለአምሩ አለቡ! ለሆመ አሰርም።

ለአሰዕምም ለዐለው ዐሳክር ወለርሀቦ ምኖም ለዐለው ሸፈቲት ባካት ከረ ሓምድ ቀርበው። ለክፍ ክል ዶል ሓምድ ለአኑብቱ። እንዴ ፈንተ እግል ልዝበጥ አንበተ። ሓምድ እግል ልዝበጥ ምን ኢገብእ እግል ለአትፋርህ ኢለክፍ። ላመ መልህያሙ እተ-ክምሰልሁ። ተማም ሰበት ሻወጠዎም ብዝሓም ዐሳክር ትዋደቀው። ምኖም ህዩ ኦሮት አማሬ ወዐሊ ትዮት ለልትበህል ወድ ዐጅ-ጅሚል ጉራሽ ሌጠ ትቀተለ።

እተ ወክድ ለህይ ለከሳር ብዝሕት ለጀሬት እቶም ዐሳክር፣ ብሰር ተማም ከም ትነፍዐው እቶም ፈሀመው። ለሸፈቲት እብ ዓኒ ዲብ ክልኤ ትከፈለው። ገሌ እብ ሰያሰት እትህቡሳም እንዴ ጸንሐው ለሀርበው ወገሌ እንዴ ሐልፈው ሳትር ጸብጣም ለጸንሐው ለአመሰሎ ዐለው።

እንዴ ረአውነ እምበል መቃወሙት ከም ሀርበው ምኒን መዐነውየት ወዳነ። ዐሬቦም፣ ጸበጣም ዲብ እንብል አሰርም ሰኒን ከዐሬናሆም። ሰከዮም እትፍኩርነ ዐለ። እት ደንጎበ ላኪን ዐጃይብቱ! ኢትትክህል ከሳር እንዴ ረፍዐነ ምን አቅበልነ ዲብ ሸረክ ሓምድ ከም ትከሬነ አመርነ። ለሕብዓም ዐለው ልትሐብዖ እት ህለው፣ ለእንዴ ሐልፈው ሳትር ጸብጣም ለዐለው ከረ ሓምድ እብ ጥለግ ገደር አፍገረው ምኒን። ምስለ ሱዳንዩን አርብዐት ዲብ ሕነ ፈገርነ። ሰለሰ ሞተው ወሰማን ጅራሕ ክቡድ ገብኦ እቶም።

ለሐርብ አሰቦሕ አንበተ አሰክ አርድ መሴ አተላለ። ለዶል ለሀ ደውደው ሰድፈት ዲብ ብያኩንዲ እብ ሸቅል ጋይሰ ዐለ። ህቲመ ዙብጥ ሀለ ከም ሰምዐ፣ ለእለ ነስኦ እንዴ ነስኦ እግል ልርዳእ ዲብ ሐርብ አተ። ቅብላት ሕድ ዲብ ልትሓረቦ ጸንሐው፣ ከም ትሓበረ እቶም ለሐርብ ትደቀቡ። እት ደንጎበ ህዩ ዲብ ተምሲልየት ትበደለ። ሓምድ ወቅብላቱ ዕንዱቅ ደውደው ቀበሊት እንዴ ገብአው እት ሕድ እብ ዕየር ገብአው። ከም ክልኦት ሰብ ንዋይ ለምን ቅብላት ልትሀራሀር እብ ዕየር ምን ሕድ ሐበት ኢሐድገው።

ሓምድ እግል ደውደው ክርንቱ እንዴ ወቀለ’ ዮም ሐልፈተክ! ዮም ኢትማጽኦነ ምን ገብእ አምዕል ሓሪት ኢንትማጸኦ። እምከ የአክሸበተክ ኦነ እግል አክሸበካቱ! ዐሬኒ! ዲብ ልብል። ሳትሩ ጸብጥ ለዐለ ደውደው፣ አሰኩት ያሓምድ! ብላዲፋል ፋኪን! ዲብ ልብል ልትሄረር ዐለ። ልብል ዮሰፍ ደምባይ።

ለሰምዓቱ ትበሀለ እግል ሊብለ ለቀድር ዲኢኮን እብ አማን ክልኢቶም ምንቅብላት ሕድ ሰምዖ እግል ልትበሀል ኢልትቀደር። ለተምሲልየት አማን እግል ተምሰል ናይለ ክልኦት ለዐሰከሪ ደለ እበ ዐለው ኦሮት ናይ መሰኡሊኖም ህግዩ ወዕየር ሰምዐነ

ልብሎ ዲብ ህለው ሌጣ ቱ። ዐሳክር ደውደው ከም ከረ ዩሰፍ ደምባይመ እተክምሰልህ። ፍንጌ ክልኢቶም ማይ ለዐለ እቱ ምሓዝ ዐለ። ሓምድ ምን ማይ እንዴ ሬመ ምን መያህሙመ ዲብ ጀህት አባይ ቃርብ ዐለ። ደለ ምን ዐሳክር ሽበ ዲብ ረአሱ ሽውጡ ወዲበ አካን እንዴ ገብአ ዕየሩ ለአተላሌ።

ደውደው፡ ዶል ከእብ ሚ ህግዩ ልብለ ዐለ እግል ተእመኑ እበ ኢትቀድር “ያሓምድ!ያሓምድ!ሳክት ኢትትዓዩር አነ መንባከ ከም አነ አምር! ልብል። አው ህቱ ዐረብ ለሓብር ዐለ አውለ እንግሊዝ ለልፍህም ሻጊ ምሰሉ ዐለው በሀለት ቱ። ለትበሀለት ለደግሞ ሱዳንዩን ዐሳክር።

ሓምድ ክርን ደውደው ከም ሰምዐ፡ “እሊ ሐሳይ እበዩ እንዴ ገብአ ልትሃጌ ሀለ።” ቤለ ከእግል ለአተንሰዩ አንበተ። አካኑመ አመረዩ። እንዴ ለአጫላቄ ምኑ ዐለ ዲብ አካን ፋድየት ከም ፈግረ ረአሱ እግል ልሽውጥ ለለክፈዩ ጣግዩቱ እንዴ ዘብጠ አውደቀዩ። ደውደው እንዴ ደንገጸ ዲብ ሐቱ አቅሹነ ዲብ ምድር ለትዳነነ ቅሰለት ዳልዩት ትሸርበ። እባሁ ህዩ እብ ዐሳክሩ ወኖሱ ምን መዐረከት ፈግረ። ከረ ሓምድ ሰብ-ሰልሐም ወብዕዶም እንዴ ትሓበረው 50-60 ገብአ ታክላምበ ተዐደው።

እብ ሰበት ጣግዩት ደውደው ሓምድ እብ ዓኒ እግል ለአትፋሁ እንዴ ዘብጠዩ ከም አውደቀዩ ብዙሕ ልትበሀል ዐለ። ዲበ አካን ለሐድረ ዑሰማን ሎንጊ ላኪን ክእነ ኢኮን ልብል።

ሰልፍ ደውደው ረዩም ሰበት ዐለ። ጠልገት እግል ተዐርዩ ምንመ ትቀድር ህግዩ እግል ትበጽሐ ኢትቀድር። ሐር ህዩ ሓምድ በዐል ቀጥፈት ሰበት ዐለ ጀማዐቱ ለወዴቱመ ህቱ ከመ ወደዩ ልትሀደግ ገብአ ዲኢኮን፣ ጣግዩት ለአውደቀ ሓምድ እንዴ ኢገብእ አናቱ። ሻሁድ ብዩ ምሰልዩ ለዐለ አሰናይ ህያቡ። ሓምድመ ርኤኒ። ለዶል ለሀ ሐጋይ ዐለ።

መቃወሙት እግል መትፋዋሽ ሓምድ

ሓምድ ምን ሸር ትመጽእ ምኑ አለቡ። ርሐ ለፈቴመ ኢኮን። እብ ርሐ መትሃጋይ። ርሐ አትዓባይ ወመትፋዋሽ ላኪን አደብ እኩይ ዲብ እንቱ ዐለ እቱ። አነ እለ ወዴኮ ወእለ አውቄኮ ለቤለዩ ብዙሕ ዐለ። ቡን፡ ሐሊብ፡ ነብረ፡ ማል እቡ እግል መጽአው ፈተቹ፡ ልግባእ ወለለአሙሩ፡ ክእነ ወዴነ፡ ጀማዐቹ ፈዳብያም ወፋርሳም ቶም ሕኔት ልብል፡ ርሐ ሌጠ ፈቅድ ለልብሎ ብዝሓም ቶም። ድግም ሐቆ አንበተት ርሐ ሌጠ ሰናቄ። ምን አመረ፡ ክሉ እንዴ ወከለ ገብእ ክእነ ለቤለ። ሐት ሐቱ ዶል ህግዩ ሸፈቲት ከምሰልሃተ።

ጣግዩት ደውደው እንዴ ትዘበጠት ከም ወድቀት፡ ከም ሐደሰ ዐቢ ናይ ሓምድ ትዳገም ወልትሀደግ እበ ዐለት። ኖሱ ሓምድ እግል ደውደው እግል ለአትፋርሁ ወለሐዝሩ፡ ወእግል ለአደንግጹ እንዴ ቤላቱ ዲኢኮን ጠልገት ሓምድ ዲብ ምድር ኢትትከሬ፡ እግል ልቅተሉ ምን ለሐዘ፡ ሓምድ ግድ ለበትክ እናሰቱ ማሚ፡ አርድ ወአሸወጠዩ እንዴ ትበሀለ ተሀደገ እቡ። “መትፋዋሽ ሓምድ ህዩ ክልነ እንፈትዩ የዐልነ። አሰክ ደንገብ፡ እምበል ኦሮት ሸዐቢ ፡ ምኒነ እንዴ ደግነ ትከልጥ ህሌለ ለቤለ የዐለ”። ልብል እድሪሰ ማሕሙድ።

ዲብ ሀደምደሚ ነብር ለዐለ በዐል አጣል። ሕዳረባይ ወድ ቤት ዐወድ። ክል ዶል ዲበ ሸፈቲት ገይሰ ዐለ። ዲብ ለሐልፎ ሐቆ ረአዮም ሐሊብ ወሰገ ነሰእ ከእቡ መጽአም ከምስሎም ልትሃጀክ ዐለ። ህጅክ ሸፈቲት ነፍሱ ትፈትዮ ዐለት። ኢትሓበረ እቶም ዲኢኮን መዋዲቶም ክሉ ርሑ ተሐልፉ እቱ ዐለት። መሐመድ አሕመድ ልትበሀል። አምዕል ሐቱ እሊ መሐመድ አሕመድ ለልትበሀል። ሓምድ እበ ወደዩ ወብዕዳም እበ ወደው ከም ናዩ ዲብ ልትሃጌ እቡ ከም ሰምዐዩ። ሓምድ ሐቆ ሐርቀ ከም ኢልምሕክ ዲብ ለአምር። ሰቡብ ቆቀለ። ህግዩ ዑሪት እንዴ ኢትገብእ። እብ ደአል እንዴ አተመሰለ ሰምዑ እንዴ ኢልሰኤ ትሃገዩ።

ሰማዕ ሓምድ። እንተ ክል ዶል ክእነ ወዴኮ። ክእነ ፈዐልኮ ትብል ምን እሎም ክሕሰት ለመሰል መናዱቅ ጸውራም ለህለው መልህያምክ ኦሮት ፋርስ ምን ተሐጋላቱ። ሱረት። እመነት። ዕጩት እንዴ ገብአው ትረአውከ? ወለ ኢተአምኖም ምን ገብአካቱ። ወለ ክሎም ሐምቃም ምን ገብአው ቱ። እለ ላቱ ጋብአት ኢኮን ወጸንሐት። ህግዩ በድል። ንዋዩ ለትዘመታመ ሕኔት ሸፈቲት ዘምተውኒ ልብል ሓምድ ዘምቴኒ ልብል። ለአምዕል ለሀ ሓምድ ኢሐርቀ። አይወ አማንካቱ። ምናተ መልህያምዬ ለወደው ክመ አነ ለወዴኮሁ ወአናመ ለወዴኮሁ ክመ ሁቶም ለወደው ቱ ክሉ ሐቱ ቱ። ሀደፍነ ኦሮት ቱ። ምስል ነሄርር። ምስል ነህጅም። ምስል እንገሚ ሰበት ገብአነ ወዴኮ ምን እብልመ ኢአክፈአኮ ቤለ ከበልሰ እቱ። መሐመድ አሕመ እበ በሊሰ ሰበት ዩአግነዐ። ወላመ ሰቡብ ሰበት ቆቀለዩ። ክመ እለ ትቤ ምንመ ገብእ ፈኮም ላቱ እግል ትድገሙ ዋጅብ ቱ። ዘያድ ክሉ እንታቱ ውላድከ እግል ተአትናይቶም ለብከ። ኢመትሃጋይ እብ ወቀዮም አምዕል ሐቱ እግል ለአክሰፋካቱ። ግሱይ ዲብ እንተ ማይ ለለአሰቱከ። ነብረ ለለሀይቡከ። ሁቶም ቶም። ሰበት እለ። እግል ትትሐሸም ሐሸሞም። እብ ርሕክ ሌጠ ትትሃጌ እት ህሌከ ሕናመ ነሐሚከ. . . ቤለ እንዴ ደግከ። ሓምድ እንዴ ኢበልሰ ረአሱ ነክነከ ከአዝመ።

ዲብ ልትሃገው ሰገ እንኮትፍ ዐልነ። በዲርናመ ለአነ! አነ! ለልብል ጠባዬዕ ናይ ሓምድ እንፈትዩ ሰበት ዩዐልነ። ለእናስ ለህግያሁ ክልነ ፈቱናህ። ነአተንሰዩ ወእብ ሕቦዕ ነአቀምቱ ዐልነ። እንዴ ልብ ኢከሬ ዲብነ እንርእዮ ከም ዩዐልነ አመት ከተፎት ሰጋን እንወዴ። አዜመ ንትወለብ። ዶል ልርኤነ ልብ ኢከሬነ እግል ነአምስል ህጅክ እንፈትሕ። እብ ከብድነ ላቱ ለእናስ ዲብ ልብነ ለዐለት ሰበት አፍገረ ሐሊብ ሰቴነ።

ሐርብ አቡ ሰለል

ሐቆ ሐርብ ብያኪንዲ ብዙሕ ትገሰው። ለተለዮም ኢዐለ። ለቀሰቦም ቴለልመ ዩዐለ። ገሌ ዲብ ባካት ደገጊቶም። ግሌ ህዬ ዲብ ንዋዮም ጌሰው። ተቅሪብን ትፈንጠረው። “እምበል ሸቅል” ልብሎ ሁቶም አወርሐት ዲብ ለአንጎጉ ሓለፈው። ኖሶም ሰቡብ ቆቀለው። ዕርፍ ከም በዝሐት እቶም እግል ሸቅል አቡ ሰለል ጌሰው። ለሸቅል

አቅሰኛት መርባት ቱ። ዲበ መደት ለሀ ዑሰማን ሐጃጅ እብ አምሩ ኩሉ አዳም እት ኦሮ ዕቅብ ለአበጥር። ልትዓደሉ አለቡ አምር እንዴ ትበሀለ ልትሀደግ ሰበ ትዐለ። እበ ፍክሮም ሐበት ምን አምር ለትተርፍ ምኑ አለቡ ዓልም ዐለ።

እሊ እናስ እሊ ከረ ሓምድ ዶል ልርኤ ነጌብ እንዴ ጌሰ ዲብ አቁርደት ተለፎን ወዴ። ዲብ ነጌብ መርከዝ ፖሊሰ ዐለ። ህቱ ተለፎን ዶል ወዴ ሸርሸር ጠበሸ ለትብለ ሐቴ ተ። ለዶል ለሀ ጣኢረት ሐርብ ሸርሸር ልቡለ ዐለው። እንዴ መጽአት ትለክፍ እቶም ሰበት ዐለት ለሐርግጎ እተ ዐለው።

ቀደም እለ ዑሰማን ሐጃጅ ዲብ ረአሰ ጀሳሰት። እሎም ዲን ለአለቦም ኩፋር ቶም” ሕራዶም ምን በልዑ?” ዲብ ልብል ሰምዐት ለኣኬ ሰበት ዐለ። መደት ሐቴ ሓምድ ሳጅኑ ዐለ። እብለ ህግዩ ሌጠ ህቱመ ክምሰልሆም ካፍር እግል ልግባእ እንዴ ቤለው። ሰገ ብዙሕ አዳለው እግሉ ከ “እሊ ሰገ እንዴ ከትፈካሁ በይንከ ኢበልዐካሁ ምን ገብእ። ኢተሐይሰከ” ቤለዩ። እብ ቀሰብ እብልዑ ዐለ። ለዶል ለሀ ለእለ ትበሀለ ምን ኢወዴ ርሐ ወኢተርፈት እግሉ ልብሎ።

ዑሰማን ሐጃጅ እንዴ ትጃዘ ሚዶል ልትአደብ!። ሐቆ ለሃመ ሓለቶም እንዴ ታብዐ ሕኩመት ለአሰእል እግሎም ዐለ። እብ ዐዱ እንዴ ሐልፈው ኢኮን መዐደይ ዐዱመ እቡ ሓልፋም ዲብ እንቶም ለሐድጎም የዐለ። ሰኒ ወአማን ጸግቤ። እብሊመ ካልእ ዶል ሰጅነው። ለዶል ለሃመ ለረድእው ሰበት ረክቤ። ቅራመት ሌጠ ደፍዐ።